

宗祖烟親仇讐冤對一切男女等冤惟願

仰承三寶力今夜今時來赴齋壇和受益

開度功德

開鬼闕而捉冤孽疾速歸來趁旗影而顯神

儀榜律在止宣藉慈悲之澤宜生慶幸之心

伏願亡故者覺海昭明真源鑒朗隨神光而

緩步朝天陸以登真至於眷屬烟親冤仇靈

類班分男女明進道場均承超度之功可達

慈悲接引天尊

引諸法師座前醫治

靈寶領教濟度金書卷之二十八

靈寶領教濟度金書卷之二十九

宣治病功曹符

治病功曹 承奉九天 扁鵲官吏 天醫神仙

高藥童子 神應寶盒 丹芝療治 玉晶延年

萬病遠除 千災莫干 傳尸鬼情 邪鬼復還

五蛇連滅 痘者安然 神霄救下 百邪得殲

科儀立成品 通用  
全形儀

步虛

洒淨

回靈養素天尊

回靈養素天尊

伏以招冤累鬱幸承帝力之提携灌質黃華  
皇賴神功之廣大惟冥闕之久隔恐祖孫之

莫完五體飄揚百關蕩失或生前之疾傷也。

否或死後之形體支離非假攝聚以生全曷

俾和平而快樂德音流傳威令駛奔恭依召

役之科為運神靈之化全形復質藍真度生

然後灌沐蘭湯參朝楓陛玉符所告如祥奉

行見前亡靈冤親等衆各宜整肅恭俟天恩

準上帝敕謹請天醫功曹一行官吏疾赴壇前為係屬亡

前為係屬亡靈調理精神安全榮衛一如靈

寶玄壇律令

宣治病功曹符

準上帝敕謹召玉清玄一六陽混元十二炁

化生大將軍一行官吏疾赴壇前為係屬亡

靈返陰生陽化生經絡一如靈寶玄壇律令

宣焚生醫生元精符

以炁之聚 神之最靈 混神六合 生化腎經

身運自水 大運生明 亡冤变化 人故復生

急急如元始上帝律令

回靈養素天尊

宣焚生心生神生榮生志符

赤帝之宮 聚炁爲王 散亂無動 百神歸降

萬國朝禮 一體定康 亡寃受化 道相堂臺

急急如元始度人律令

回靈養素天尊

宣焚生肝生冤生筋骨符

青炁鑾秀 輔翼萬仙 百骸之首 肝府為先

神精形聚 無化成仙 亡寃受化 道德自然

急急如元始度人律令

回靈養素天尊

宣焚生肺生冤生胃生毛符

一白之炁 混合肺房 長意生志 父子無忘

玉樓相串 金堂同堂 亡寃受化 反生福堂

急急如元始度人律令

回靈養素天尊

宣生脾生肌肉生意生四肢符

帝君有命 敦下中黃 安鎮崇衡 肢體宣光

安寃侍鎮 使神無藏 亡寃變化 反生福卿

急急如元始度人律令

回靈養素天尊

回靈養素天尊

宣焚生膀胱生尿胞符

青黑之炁 交結膀胱 鎮於靈府 毫髮混康

玉清攝景 沈丸附旁 亡寃受化 麥鬼神昌

三寃安泰 大道生光

急急如元始度人律令

回靈養素天尊

宣焚生小腸生水道符

赤白之炁 二氣交從 結成腸腑 與胃相通

大腸食度 經絡和中 亡寃受化 改體容隆

急急如元始度人律令

回靈養素天尊

宣焚生膽生精生汗符

靈炁所聚 神炁混康 鎮於膽腑 赤書交光

精鬼自樂 寬形臺臺 亡寃受化 玉膽生芒

急急如元始度人律令

回靈養素天尊

宣焚生腎生水道符

黑白之炁 結生大腸 混合表裏 一體同堂

光散萬國 交樂七廊 亡寃受化 改貌形毫

回靈養素天尊

回靈養素天尊

宣焚生胃生水源符

黃濁之炁 胃管生津 安鎮神室 一體生光

寃鬼歸伏 神精效靈 亡寃受化 大道同明

急急如元始度人律令

回靈養素天尊

宣生三焦三官符

淡白之炁 三焦無藏 生津自然 往來混昌

重樓通達 骨節開張 亡寃受化 更生人鄉

急急如元始度人律令

回靈養素天尊

宣生心生胞絡生百脉符

黃白之炁 結胞絡生 五谷所變 一體光明

神寧鬼淨 靈炁寬清 亡寃受化 奧運合井

急急如元始度人律令

回靈養素天尊

準上帝敕謹請靈寶玄局青帝讀寃君白帝

侍鬼君赤帝養炁君黑帝通血君黃帝中主

君來寃功曹聚炁功曹秉形功曹還東功曹

復鬼功曹合形功曹合靈功曹一行官吏疾

赴壇前為係薦亡靈中理五氣混合百神一

如靈寶玄壇律令

宣焚全形符

東方紅杏育蒼英

西方摩真司瑞澤

中央靈寶玄元始

中毒大亡皆強體

自害自刑俱復體

青帝護菟肝木旺

白帝侍兔生成肺

黃帝中主脾土安

起死回骸鍊離坎

白骨成人萬炁明

九和十合結胎嬰

五老運靈盤受度

道變化宴上清

回靈寶養素天尊

金液玉精拯百骸而具體黃房紫戶妙一炁

以生神荷帝師曠蕩之恩感仙靈威神之力

心無苦惱身有光明雖形鬼可逆於超勝森

冤累猶懷於執對幸承丹渥均會玄壇宜體

道化之慈悲休分秦趙共識法門之平等勿

起愛憎三毒波瀾六塵烟散無人無我齊登

解脫之鄉為友為朋均證逍遙之路玉符所

告如律奉行見前亡爽普及冤親各宜整肅

恭伺天恩

解冤釋結天尊

準上帝敕諸靈寶解冤釋結靈官五經博士

能談善說靈官如意萬司解釋冤對三大神

疾赴壇前為係薦亡靈開釋仇讐和同冤對

一如靈寶玄壇律令

宣焚解冤符

陰景長夜幽幽冥冥億劫天光黑風飄零

元始開化諸天再明玉符所至萬神敬聽

解冤釋結執對和平靈姑消蕩斬絕地根

身乘玉虛開度福庭

宣焚和釋冤對符

待命開度大神衍衍冤仇執對和釋來臨

明承符命不得留停長夜開泰溥觀光明

齊同慈愛異骨成親宣焚拔舉解冤符

靈寶符命焚蕩罪緣冤恨消散宿債併輪  
解釋冤結永滅惡根北司銷籍鍊化成人  
慈光灌育上升玉庭

百體虛明千冤開悟一真澄寂萬類消歸四  
祖炁以返還滅惡根而容與盞蕩黃華之水  
更聽綠字之章克保仙飛永超塵劫見前靈  
爽普及冤親共赴蘭湯慈悲引導

醫治全形科

伏以成象成形混沌而立人極善生善死

凝恬淡以葆天常百神羅絡於華房萬炁周

流於玄谷本無虧欠寧有疾傷自紫機鑿混

沌之根而塵網溷陰陽之粗寒暑燥濕鼓二

堅以乘危地水火風結三彭而搆羣陽天既

殞陰景斯羈心未忘於生前病源猶在冤復

懲於歿後素海深深況經絡榮衛之支離有

冤鬼精神之蕩失執伸援手第劇寒心是以

元始法王虛皇教主布慈雲於三洞流法雨

於十華建仙醫天曹運神丹而灌注崇解結

神吏飛聖象以調和降靈寶三八之曹役混

元二六之將為奔走於死炁俾返復於生神

澤溥九幽恩沾八極令之夜奉為齋主某開度某人已奉紫宸之命幸提黑鸞之蒐來詣玄壇將朝玉陛切慮亡故某獻世遭疾難形散而神或鬱軒歷劫違寬縱命沉而性猶束

縛五臟六腑之已壞百體九竅之莫完匪藉神功曷全靈質緣章靈奏已頒降於玄曹丹篆風行盡昭宣於洪澤茲伸召役宜副懇庶昭息難補剝之熱毋增續長截短之嘆玄科煥耀次第頒宣稽首皈休召役如法

還形返生天尊

心爲形主心安而形亦安形乃病都心病而形亦病倘心病之未愈豈形體之能痊謹召

靈寶玄局天醫尚藥一行官吏普請真慈隨我神運以靈丹神芝雲腴玉醴爲亡故某人醫治疾傷斷除心病急急如靈寶玄壇律令

焚天醫靈官符

焚治病功曹符

寃由心造心空而冤亦空冤逐業生心有而業亦有凡素冤之未釋因心冤之不忘謹召

靈寶玄局解冤釋結靈官一行官吏溥請真

慈隨我神運以歎言調伏異骨成親爲亡故某人齊同慈愛解脫心冤急急如靈寶玄壇律令

焚解冤釋結三符

心病已除心冤復釋慧源臺徹高臺凝曉鑑之輝覺海澄清碧漢掛秋蟾之影猶慮神隨炁散悉逐神馳形體既墮於陰冥神炁易全

於陽耀盡召攝其生炁爲整具其形神炁得神御炁而炁留形可使心藏神而神保命混

元本始無欠無餘謹召十二炁混元化生大將軍一行官吏隨我神運爲亡故某人攝召生炁返復靈根急急如靈寶玄壇律令

焚混元十二炁十二符

疑生炁於紫戶青房已全陽質降真神於金樓玉室庶化陰靈俾羅絡以成人可飛騰而御景謹召三部八景二十四神隨我神運爲亡故某鎮安百體榮固三田急急如靈寶玄

壇律令

焚三部八景符

神炁爲生死之根宗形骸乃神炁之郛廓神

炁和合形乃得生神炁分離形斯趨死今復初生之神炁可還未死之形骸九竅光華百闕煥步武輕盈而容與精神洞朗以光明不老旣完之宇請赴蘭陽法衆運誠慈悲

引導

慈悲接引天尊

引導諸浴堂前

靈寶領教濟度金書卷之二十九